

Headline	Kurang pengetahuan antara punca kaum ibu dijangkiti virus HIV Aids		
MediaTitle	New Sabah Times Bahasa (KK)		
Date	06 Aug 2012	Color	Black/white
Section	Semasa	Circulation	23,655
Page No	3	Readership	
Language	Malay	ArticleSize	90 cm ²
Journalist	N/A	AdValue	RM 179
Frequency	Daily	PR Value	RM 537



Kurang pengetahuan antara punca kaum ibu dijangkiti virus HIV/Aids

KUALA TERENGGANU: Kurang mendapat pendedahan serta kurang pengetahuan antara punca semakin ramai wanita, khususnya golongan ibu di negeri ini dijangkiti HIV/Aids.

Presiden Komuniti Cakna Terengganu (KCT) Dr Mustapa Che Omar berkata penularan jangkitan dilihat semakin serius sejak kebelakangan ini dan membawa implikasi besar kepada institusi keluarga.

“Kita akui makin ramai golongan ibu turut dijangkiti virus berbahaya ini dan majoriti disebabkan suami golongan penagih yang rata-rata hanya bekerja kampung dan kurang pengetahuan mengenai virus itu,” katanya kepada Bernama, di sini hari ini.

Perkara itu katanya diburukkan lagi dengan sikap kebanyakan mereka yang memperlekehkan usaha KCT memberi penjelasan berhubung penyakit maut tersebut.

Ada yang menganggap nasihat yang diberi mengganggu mereka, katanya menambah kebanyakan golongan ibu yang dijangkiti tidak tahu pasangan mereka menghidap penyakit itu.

Sementara itu, Dr Mustapa berkata KCT menyediakan rumah perlindungan untuk penghidap HIV/Aids yang direalisasikan menerusi bantuan Majlis Agama Islam dan Adat Melayu serta Jabatan Kesihatan Negeri Terengganu.

Selain itu KCT juga membantu bekas penagih dadah di negeri ini menjalani pemulihan dengan mengusahakan kebun sayur, katanya. Sebelum ini dilaporkan terdapat 8,833 kes HIV dengan 212 kes baru pada akhir 2011, di Terengganu. - Bernama